

Ár 1973, mánudaginn 12. nóvember, var í málinu nr. 9/1972 kveðinn upp af Yfirfasteignamatnefnd svohljóðandi

ú r s k u r ð u r :

Málavextir eru þeir, að Raunvísindastofnun Háskólans hefur á leigu 1,5 hektara landspildu úr landi jarðarinnar Leirvogstungu í Mosfellshreppi. Í landi þessu hefur stofnunin reist fjögur smáhýsi, samtals 148 m<sup>3</sup> að stærð, og er þar komið fyrir mælitækjum, sem notuð eru til segulmælinga.


Í aðalmati fasteigna er ofangreind fasteign metin á samtals 190 þús. krónur. Hefur hreppsnefnd Mosfellshrepps síðan lagt fasteignaskatt á eign þessa. Skattlagningu þess hefur Raunvísindastofnun Háskóla Íslands kært til Yfirfasteignamatnefndar með bréfi, dags. 10. júlí 1972. Í bréfi stofnunarinnar frá 5. nóvember 1973 er hagnýtingu fasteignarinnar lýst með þessum hætti:

" ..... landrými það, sem Raunvísindastofnun Háskólans hefur á leigu í Leirvogstungulandi í Mosfellssveit, er einungis notuð í þágu segulmælinga og annarra jarðeðlisfræðilegra mælinga, er þar fara fram. Spildan er afgirt og standa á henni nokkrir timburkofar, sem mælitæki eru í, en aðrar nytjar eru ekki hafðar af landinu".

Samkvæmt 1. mgr. 5. gr. laga nr. 8/1972 um tekjustofna sveitarfélaga og 1. mgr. 6. gr. reglugerðar nr. 320/1972 um fasteignaskatt eru skólar og rannsóknastöðvar undanþegnar fasteignaskatti. Verður að telja, að umrædd mannvirki falli undir þessi undanþáguákvæði. Með hliðsjón af ofangreindri nýtingu fasteignarinnar, ber að telja, að skilyrðum undanþágu frá fasteignaskatti sé einnig að öðru leyti fullnægt, sbr. 1. mgr. 5. gr. laga nr. 8/1972 og 2. - 3. mgr. 6. gr. reglugerðar nr. 320/1972. Samkvæmt því er Raunvísindastofnun Háskólans óskylt að svara fasteignaskatti af umræddri fasteign.

Ú R S K U R Ð A R O Ð :

Raunvísindastofnun Háskólans er óskylt að svara fasteignaskatti af ofangreindri fasteign.

  
Torfi Asgeirsson

  
Gaukur Jörundsson

  
Pálmi Jónsson